



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bibliotheca Pontificia

Jacob, Louis

Lvgdvni, 1643

Centvria Pseudopontificvm, Qvi Scriptis Clarvervnt.

urn:nbn:de:hbz:466:1-11153



CENTVRIA
PSEVDOPONTIFICVM.
QVI SCRIPTIS CLARVERVNT.

ANACLETVS II. antea Petrus Leonis cognominatus, patriâ Romanus, ex S. R. E. Diacono Cardinali tit. SS. Cosmæ & Damiani à Paschali II. & Presbytero Cardinali S. Mariæ trans Tiberim tit. Callisti Pseudopontifex contra Innocentium II. anno Domini 1130. in schismate creatus est, scripsit

Epistolas ad diuersos. Extant MSS. Romæ in celeberrima Bibliotheca Eminentissimi Principis Francisci Cardinalis Barberini litterarum & litteratorum Patroni celeberrimi, nec non etiam in illa monasterij Montis-Cassini; quas Eminentissimus Cæsar Cardinalis Baronius *Annalibus suis nunquam satis laudatis*, inseruit.

Obiit Romæ anno postquam Verbum caro factum est, & habitauit in nobis, 1138. sepultus est in Ecclesia Constantiana, seu Lateranensi.

De Anacleti II. Epistolis consule, si lubet, Cardinalem Baronium *ab anno 1130. vsque ad 1138.*

BENEDICTVS XIII. antea Petrus de Luna nuncupatus, Arrago, Hispanus, V. I. Doctor ac Professor publicus in Gymnasio Montis-Pessulani, Archidiaconus Cæsar Augustanus, deinde S. R. E. Diaconus Cardinalis tit. Sanctæ Mariæ in Cosmedin, ac Hispaniarum & Galliarum Legatus, postremò Auenione 4. Kalendas Octobris ann. 1394. electus Pseudopontifex, & 5. Idus Octobris ibidem coronatus aduersùs Bonifacium IX. Innocentium VII. Gregorium XII. Alexandrum V. Ioannem XXIII. & Martinum V. Pontifices Maximos legitimos, scripsisse compertum habeo.

De potestate summi Pontificis & Concilij librum. Extare perhibetur MS. Romæ in Bibliotheca Pontificia Vaticana.

Vita

Vita humana aduersus omnes casus consolationes. Extat Hispanicè.

Et alia quedam, sed mihi hætenus ignota.

Decessit Penischolæ, oppido Regni Valentiaë munitissimo, diœcesis Dertusensis, octuagenario maior, vsque ad vltimum vitæ spiritum in sua obstinatione permanens, anno post Christi natiuitatem 1424. Antipontificatus sui anno 30. mense Septembri, sub Martino V. Pontifice Optimo Maximo: eius cadauer ibique sepultum est, quod postea translatum est Igluecam Arragoniaë oppidum, ibique intra arcem loco profano repositum, quo in loco integrum hodie perseverat, in ditone Comitum Moratæ.

De rebus gestis Benedicti XIII. Pseudopontificis consule Platinam, Onuphrium Panuinum, Andream Billium, Hieronymum Ochonem Carmelitam, Ioannem Gersonem, Henricum Langestejn, Ioannem Coltonum, Alphonsum Ciaconium, Andream Duchesnum & alios.

CLEMENS VII. antea Robertus ex Comitibus Gebennensibus, Sabaudus, ex Episcopo 44. Morinensi, nunc Bononiensi in Picardia, Archiepiscopus 61. Cameracensis, & S. R. E. Presbyter Cardinalis tit. SS. duodecim Apostolorum, postremò aduersus Vrbanum VI. anno 1378. die 20. Septembris Fundis in Campania creatus Pseudopontifex, ibidè que die 1. Nouembris in Ecclesia Cathedrali coronatus, scripsit

Epistolas varias.

Obiit Auenione, ibidè que sepultus in Ecclesia Cœlestinorum ad pontem Sorgiæ, cum sequenti Epitaphio:

Hic requiescit Dominus Clemens Papa VII. Primus huius Cænobij Fundator, ex patre Amedeo Comite Gebennensi, matre verò Mathilde de Bologna genitus, qui fuit Protonotarius, Morinensis & Cameracensis Episcopus, deinde Cardinalis, demum ad Papatum inuitus assumptus, & curia tunc incolumi reducta, Dominum Petrum Cardinalem de Lutsemburgo miraculis coruscantem in hoc cœmeterio sepultum ad Cardinalatum assumpsit, & in fine anno 17. sui Pontificatus migravit ad Christum die 17. Septembris 1394. cuius anima requiescat.

De rebus gestis habes Theodoricum Niemum, Platinam,

Onuphrium, Alphonsum Ciaconium, Andream Duchesium & alios.

NICOLAUS V. antea Petrus Corbarius, vel de Corbario, cognomento Rainallucius, corruptè Remalutius in agro Reatino ex humili loco natus, Pseudopontifex à Cæsare Ludouico Bauaro Romæ anno 1327. die 12. Maij aduersùs Ioannem XXII. creatus, Ordinis Minorum, scripsit

Glossulam super Christi imitatione lib. I.

Abdicationem Antipapatus sui inter manus Ioannis XXII. Papa, Auenione in publico Consistorio factam, quæ habetur in vita Ioannis XXII. ab eruditissimo D. Francisco Bosqueto edita, nec non in Elencho Cardinalium, à Felice Contelorio, publicato, etiam apud Ciaconium.

Abdicauit Auenione die 23. Augusti 1330. Obiit Auenione anno salutis 1333. mense Septembri, sepultus est in Ecclesia Minorum.

De scriptis Ioannes Balæus Apostata in *Catalogo*, Conradus Gesnerus Hæreticus in *Bibliotheca v...*

NOVATIANNVS ex Romanæ Ecclesiæ Presbytero Pseudopontifex aduersùs S. Cornelium Pontificem Romanum, scripsit

De Pascha lib. I. De cibis Iudaicis lib. I. De Sabbatho lib. I.

De Instantia lib. I. De Circuncisione lib. I. De Attalo lib. I.

De Sacerdote lib. I. De sancta Trinitate lib. I. De oratione lib. I. Epistolas plures ad diuersos, & alia nonnulla.

Claruit anno salutis 250. ex S. Hieronymo, sed ex Ciacconio occisus Romæ tempore Sixti II. Papæ.

De scriptis Abbas Trithemius in *Catalogo*, Conradus Gesnerus in *Bibliotheca v. N.* Antonius Posseuinus in *Apparatu sacro*, & alij.

PASCHALIS ex S. R. E. Archidiacono Pseudopontifex aduersùs Sergium I. Papam creatus, scripsit

Litteras ad Ioannem Exarcham Rauennatem, ex Alphonso Ciaconio in vita Canonis Papa.

Mortuus est anno gratiæ 687. sub Sergio I. Papa.